



Inatsisartuni ilaasortaq Henrik Fleischer, Siumut
/maani

Kangerlussuarmi Uummannamilu umiarsualiviit pillugit § 37 naapertorlugu 2019-186 apeqquteqaammut akissut

21-05-2019
Suliaq nr.: 2019 - 11872
Id nr. 41191731

Asasara Henrik Fleischer

Inatsisartut suleriaasianni § 37 naapertorlugu Kangerlussuarmi Uummannamilu umiarsualiviit pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1: Kangerlussuup Uummannallu talittarfittaarnissaanut suliat sumut killippat?

Akissut: Uummannami umiarsualivimmi atortussat nutaat pilersaarusionerat ingerlallualereerpoq. Pilersaarusionermut Kangerloqqissumi nunniugassaq, umiatsiat mallinut illersorneqarnerinut atorneqartussaq, pujortuleeqqat talittarfiata pioreersup talittarfiup naleqquttumik itissuseqalernissaanik qulakkeeriffiusumik allineqarnissaa, kiisalu Qeqertannguami qaarsuuk qaartiterilluni inssiiffissamut sanaartorfissamullu paaanissaq ilaatinneqarput. Neqerooruteqartitsinissaq ukiakkut 2019-imi aallartisarneqassaaq, januar 2020-milu suliariumannittussarsiuussisoqassalluni.

Kangerlussuarmut umiarsualivissaq pillugu suliat maannarpiaq Kangerlussuup siunissaa pillugu Qeqqata Kommuniata aamma Namminersorlutik Oqartussat akornanni suleqatigiissitami isumagineqarput. Suleqatigiissitap suliaasaani allassimavoq: "Aningaasanut inatsit pillugu isumaqatigiissut tunuliaqutaralugu, Namminersorlutik Oqartussat Kangerlussuarmi umiarsualivimmik pisariaqartitanik naliliinermik kiisalu imminut akilersinnaasutsimik misissuinerimik nutartikkamik aallaaveqartumik annertussusilikkamik, ilaatigut Ilulissani Nuummilu atlantikoq qulaallugu mittarfinnik pilersitsinermik eqqummaariffiginnittumik pilersaarusiussapput". Tassalu pisariaqartitanik naliliinerit aammalu imminut akilersinnaasutsimik misissuinerit suleqatigiissitami suliarineqarput.

Apeqqut 2: Aasarpallaartinnagu suliariumannittussarsiuussinissat ingerlanniareqarpat?

Akissut: Apeqqut 1-imut akissut takuuk.

Apeqqut 3: Qaqugu naatsorsuutigineqarpa suliariumannittussarsiuussinierit pissasut?

Akissut: Apeqqut 1-imut akissut takuuk.

**Apeqquut 4: Kangerlussuarmi talittarfissaq qanoq akeqassangatinneqarpa ?
aammalu Uummannami ? qaqugulu naammassineqarsimanissaat
siunniunneqarpa?**

Akissut: Umiarsualivinni nutaanik sanaartornissamut pilersaarusionermermi atugassiinermilu aningaasaleeriaaseq marlunnut avitaq malinneqassaaq, tamatumalu kingunerisaanik sanaartornissap aalajangiiffigineqannginnerani suliariumannittussarsiuussinerup inerpera piareerneqareersimassaaq. Tassalu sanaartornissamut aningaasartuutissat suliariumannittussarsiuussinerup qanoq inerneqarnerata takutittussaavaa. Naalackersuisoqarfiup aallarniutaasumik akinut missingersuusiaanik sukumiinerusumik tamanut ammasumik saqqummiussinissaq neqerooruteqartitsinermut sunniuteqarnerlussinnaavoq.

Inaarsarneqarnera pillugu apeqquut 1-imut akissut takuuk.

**Apeqquut 5: Kangerlussuup siunissaa pillugu Naalackersuisut aammalu Qeqqata
Kommuniata suleqatigiissitaq pilersissimasaat, qanga kingullermik ataatsimiippa
(Qaammatit kingullit sisamat iluanni) aammalu suliaat sumut killippat?**

Akissut: Qaammatit sisamat kingullit ingerlanerini suleqatigiissitaq ulluni ukunani ataatsimiippoq: 21.-22. januaari, 4.-5. aprili kiisalu 23. aprili. Suliassat allattorsimaffiat malillugu suleqatigiissitap sulinera allanut saqqummiuteqqusaanngilaq, taamaattumillu suleqatigiissitap suliai sordiaanersut saqqummiussinnaanngilakka.

**Apeqquut 6: Naalackersuisut suliamut tassunga tunngasunik allanik
taasariaqakkaminnik ilisimatitsissutissaqarpat?**

Akissut: Kangerlussuarmi umiarsualivimmut nutaamut aamma Uummannami umiarsualivimmi atortunut nutaanut pilersaarusionissamut sanaartornissamullu aningaasaliisoqarnissaanik aalajangiinermut peqatigitillugu Qaanaami nunniukkap pilersaarusionerqarnissaa sananeqarnissaalu aalajangiunneqarpoq. Qaanaami nunniukkap sananeqarnera 2019-imi aallartippoq, aammalu pilersaarutaasutut 2020-mi ukiakkut naammassineqarnissaa naatsorsuutigineqarluni.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga


Karl Frederik Danielsen